

南陽府志卷之二

知南陽府事元和孔傳金重輯

置志

孔子曰殷因於夏禮周因於殷禮其所損益百世可知夫定制於朝廷而頒行於郡國者可以觀禮焉一曰城池所以固封守也一曰治署所以出政令也一曰學校所以崇奉先師先賢而興起後進也一曰宗祠所以明祀典而壇壝則致祭於祖穆城隍風雲雷雨山川原隰之神以祈時和年豐民不夭札也故

池設而隄堰附焉文武之治設而倉庫營衛附焉庠序設而書院社學附焉祠宇設而古來名宦有遺愛在民及忠臣孝子義夫節婦生於其土者附焉凡以衛民生興教化厚風俗而庶政惟和矣余於是四者以爲先王制禮之精意於是乎在若夫傳命有驛鋪行旅有橋道貿遷有集鎮葺其傾圯時其警察別其貞淫則居官之職掌也輯建置志因述數言以弁其端

城池

附郭南陽縣

秦置宛城南陽郡

荊州記曰郡城週三十六里

至唐移郡於鄧城

漸圯止存西南隅元置府治不復改作明洪武三年
指揮郭雲因元之舊址重修甃磚週圍六里二十七
步高二丈二尺廣如之池深一丈七尺濶二丈門四
東曰延曦南曰消陽西曰永安北曰博望建角樓四
敵臺三十警舖四十三成化十九年重修至明末流
寇蹂躪樓櫓廢缺門關敗燬

國朝知府王燕翼設東南城門各四扇順治四年知府

辛炳翰重建南門樓康熙二十三年知府張在澤重修女牆

南召縣

南召明成化十三年置縣南陽府同知任義南召知縣張珙始築城週圍三里四十步高二丈五尺廣一丈六尺池濶一丈七尺濶二丈門三東曰東興南曰博望西曰永豐上各建樓正德十三年知縣彭倫增修建窩舖八角樓四嘉靖甲午知縣馮鯨重修易東門曰通汴南曰近宛西曰連嵩各增建戍樓隆慶庚

知縣李望堯以磚石更于北城建樓題曰望京

國朝

順治十六年裁併入南陽縣雍正十二年復設縣治經知縣楊嗣清知縣鄧圭屢次估計詳請興修在案

縣志

世傳爲漢安衆故城明成化六年知縣李賢因舊址修築週圍五里一百三十步高一丈八尺廣八尺池深一丈五尺濶如之十八年知縣劉勲展南城數十步名其東門曰安陽南曰便民西曰武平北曰懷遠有展城記萬曆間知縣翁金堂重修更名其門東曰毓二南曰宣昭西曰省成北曰賓穆至李勳復扁

三陽府志 卷之二
其門東曰瞻旭南曰景正西曰觀成北曰拱辰崇禎
年知縣鍾其碩週圍增築營房八百餘間添置警臺
十二座後圯于寇

國朝知縣李似楠重修至順治十四年城爲霪雨崩頽
知縣王繼祐重修日久復壞康熙二十七年知縣張
琮重修

唐縣

元至正間建城明洪武三年金吾右軍千戶程飛卽
舊基修築天順間千戶齊政重修週圍六里二百八

十八步高二丈五尺廣一丈一尺池深一丈六尺濶
二丈門四角樓四敵臺警舖三十四正德十二年知
縣李鐸千戶王拱重修城池高深各增數尺崇禎十
五年署縣事王澤深於闖寇毀壞之餘填塞補葺爲
一時守衛尋多崩闕

國朝順治九年知縣李芝英重修至康熙四年知縣田
介重修乾隆二十八年知縣宋梅捐俸率紳士謝廷
琦等捐修五十年知縣黃文蓮重修北城樓

沁陽縣

唐沁州城明洪武十四年知縣胡惠因元時舊址修

築高一丈二尺廣八尺池深一丈濶五尺上各建樓
初止東西二門成化五年知縣魯常重修始作南門
名曰宗盤置警舖八正德六年知縣劉璣重修甃磚
于外十二年知縣郭繼祖增甃磚于內崇禎辛巳以
後屢遭巨賊蹂躪拆毀過半順治六年知縣韓志道
重修康熙二十四年知縣雷珽重修二十五年知縣
莫國芳修五十四年知縣程儀千重修

桐柏縣

明成化二十年築城週圍四里一百八十步正德六

年知縣李聚鼈以磚高一丈二尺廣一丈池深入尺濶一丈五尺門四東曰接楚南曰嚮明西曰導淮北曰拱極建角樓四警鋪八嘉靖間知縣曹侃王鯤相繼修葺

鄧州

舊有內外二城元末俱頽明洪武二年金吾衛鎮撫知鄧州孔顯始築內城週四里三十七步高三丈廣二丈五尺池深一丈五尺門四東曰迎恩南曰拱陽西曰平成北門以形家言不敢因不名六年始鼈以

磚建門樓四角樓四月城小樓四甕城小樓三窩鋪
三十三女牆一千三百九十一郡人王誼記外城元
史天澤築後廢明宏治十二年知州吳大有重築
一十五里七分高一丈廣五尺因舊爲五門曰大東
門小東門南門小西門大西門門各建樓大有自記
正德六年知州于寬增修外城重建門樓五月樓五
浚池深二丈濶六尺引刁河水灌之學正華綸記嘉
靖三十二年知州王道行又增修外城角樓四窩鋪
二十一梁口一千七十引靈山水灌池內郡人藍瑞

記三十五年知州張僊修外城五樓萬歷三十八
年知州趙沛復修外城五門及樓扁其南門曰南控
荆襄東曰東連吳越西曰西通巴蜀小東門曰六木
環清小西門曰紫金浮先是嘉靖間知州王道行
遶外城種樹千株年久無存至沛復濬河植樹崇禎
七年知州孫澤盛修外城窩舖及女牆二重十年流
賊張獻忠陷鄧州城知州劉振世以外城寥濶力不
能守乃併力修築內城

國初順治三年闖賊餘孽劉二虎攻城二十七日掘地

道七處不陷知州馬迪吉乃增修圓城角樓四敵臺
三女牆一千三百九十一懸樓三十座炮臺二十四
座迪吉自爲記十五年霽雨磚城墮四處知州馬九
萬修凡二十丈五尺日久磚城內墻崩削剝及女牆
康熙三十年知州趙德重修凡三百六十八丈德自
爲記

新野縣

漢昭烈始築土城週二里南齊劉思忌爲新野郡守
曾築外城因名舊城爲城明天順五年知縣趙漢

卽舊基重修週四里高一丈三尺廣一丈五尺池深五尺濶一丈五尺門四東曰朝陽西曰通德南曰望遠北曰迎恩上各建樓正德六年知縣高廷祿增修外甃以磚列樓櫓高增一丈二尺得二丈五尺嘉靖四年知縣江東復內甃磚浚池深增五尺得一丈濶增一丈得二丈五尺明末寇亂頽敝

國朝順治六年知縣汪永瑞重修南城樓十五年知縣崔誼之重修東西北城樓城垣歲久圯壞康熙二十五年知縣顏光是重修城內舊爲中關外爲東西南

北四關南關外正德十年增築新城週二里外爲濠
闊東西南三門歲久悉廢順治十三年知縣崔誼之
改建武侯閣于南門舊址乾隆八年

知縣張昌蕃修
內城南門樓

內鄉縣

一

舊城隋時築于內鄉保三渡河東十里許漢丹水縣
所隸地歷唐宋至金以縣治去州遠徙渚陽鎮卽今
城也初建土城週三里許至元時已就傾頽明景泰
三年知縣貂安重修天順五年知縣鄭時展拓修築
週九里七分高廣皆一丈二尺池深八尺濶一丈二

尺四門各建重樓正德元年知縣張經甃以磚石扁
其門東曰仁和南曰望楚西曰通秦北曰安阜萬歷
二十七年知縣尙從試重修四門大樓并角樓窩鋪
易其門扁東爲賓日南爲納薰西爲餞景北爲拱辰
崇禎末遭賊李自成焚毀

國朝順治二年知縣余時發粗爲補砌四年知縣陸登
甲于每門舊樓址修屋三楹十二年知縣王襄明修
角樓三座窩鋪三十間

浙川縣

明成化八年南陽府同知盧信浙川縣知縣武文
築城週四里高一丈七尺池深如之門四東曰迎屬
西曰鎮浙南曰楚望北曰天樞上各建樓置敵臺十
二四城各有警舖正德十二年知縣熊价因流賊起
增甃磚石浚濠加深萬歷五年知縣王道十年知縣
劉承範相繼修理崇禎十年流賊張獻忠破城樓櫓
盡燬署縣事鄧日崇于各城門上建瓦亭三楹至
八年李自成屠城俱廢

國初知縣馮爾遲重修

絳州

宋末建城明洪武三年南陽衛指揮使郭雲修築週
關九里一十三步高二丈廣一丈五尺池深一丈濶
二丈門四東曰賓旭西曰望成南曰阜有北曰建安
正德十二年知州郝世家始爲磚城高三丈二尺廣
二丈外建月城四高廣如之四門各建重樓角樓四
敵臺二十二警舖四十南陽王鴻儒記疊經兵燹損
壞順治十二年知州陸求可粗爲修葺康熙二十六
年知州劉珏亮修西城門樓二十七年知州潘雲桂